


Prevenција institucionalizacije i deinstitutionalizacija osoba s invaliditetom u Kantonu Sarajevo



SPORAZUM O SARADNJI



Bosna i Hercegovina
Federacija Bosne i Hercegovine
Kanton Sarajevo
MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE



Bosna i Hercegovina
Federacija Bosne i Hercegovine
Kanton Sarajevo
JAVNA USTANOVA
KANTONALNI CENTAR ZA SOCIJALNI RAD SARAJEVO



ŽIVOT
U LOKALNOJ
ZAJEDNICI

U S T A N O V A
SUMERO CENTAR ZA PODRŠKU OSOBAMA
S INVALIDITETOM U ZAJEDNICI

SPORAZUM O SARADNJI

Potpisan dana ____/____/2017. godine

1. **Ministarstvo za rad, socijalnu politiku, raseljena lica i izbjeglice Kantona Sarajevo** (u daljem tekstu: Kantonalno ministarstvo), ulica Reisa Džemaludina Čauševića broj 1, 71000 Sarajevo, BiH, koje predstavlja **Amela Dautbegović**, ministrica za rad, socijalnu politiku, raseljena lica i izbjeglice Kantona Sarajevo
2. **JU "Kantonalni centar za socijalni rad"** (u daljem tekstu: JU Kantonalni centar), ulica Gatačka broj 80, 71000 Sarajevo, kojeg predstavlja **Mr. sci Adnan Podžo**, direktor
3. **Ustanova "Sumero centar za podršku osobama s invaliditetom u lokalnoj zajednici"** (u daljem tekstu: Ustanova Sumero), ulica Sutjeska broj 18, 71000 Sarajevo, koju predstavlja **Haris Haverić**, direktor

I. OPŠTE ODREDBE

1. **Kantonalno ministarstvo** vrši upravne i stručne poslove utvrđene pozitivnim pravnim propisima, koji se odnose na ostvarivanje nadležnosti Kantona Sarajevo u oblasti rada, socijalne politike, raseljenih lica i izbjeglica.
2. **JU Kantonalni centar** je ustanova socijalne zaštite čija nadležnost je definisana Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst i 38/16).
3. **Ustanova Sumero** je ustanova socijalne zaštite, čija je osnovna djelatnost: socijalno i zdravstveno zbrinjavanje, psihosocijalna rehabilitacija, osposobljavanje za samostalan život i rad prema preostalim sposobnostima i sklonostima, provođenje radnih i okupacionih aktivnosti odraslih osoba, usluge organiziranog provođenja slobodnog vremena, usluge drugih programa u lokalnoj sredini u cilju poboljšanja kvalitete života.
4. Sporazumne strane imaju zajednički interes da ostvare saradnju, te ovim sporazumom utvrđuju svoja međusobna prava i obaveze.

II. PREDMET SPORAZUMA

1. Sporazumom o saradnji (u daljem tekstu: Sporazum) regulišu se principi rada i način saradnje između potpisnika Sporazuma na provedbi programa prevencije institucionalizacije i deinstitucionalizaciji osoba s invaliditetom, koji za cilj imaju pokretanje aktivnosti u vezi sa navedenim procesima kada je u pitanju zbrinjavanje osoba s invaliditetom u Kantonu Sarajevo, na način kako je to definisano Politikom u oblasti invalidnosti BiH ("Službeni glasnik BiH", broj: 76/08), Strategijom za izjednačavanje mogućnosti za osobe s invaliditetom u Federaciji Bosne i Hercegovine 2011-2015. godine od 21.04.2011. godine, Strategijom za unapređenje prava i položaja osoba s invaliditetom u Federaciji Bosne i

Hercegovine 2016.-2021. godine od 23.12.2016. godine i Zaključcima Vlade Federacije BiH od 04.12.2012. godine, a u cilju poboljšanja kvaliteta života i zaštite ljudskih prava osoba s invaliditetom, na temelju UN Konvencije o pravima osoba s invaliditetom.¹

2. Zajednička uspostava novih modela socijalnih usluga i podrške osobama s invaliditetom omogućuje uključenost u lokalnu zajednicu.
3. Potpisnici ovog sporazuma su saglasni da:
 - a) Zajednički provedu program prevencije institucionalizacije i deinstitutionalizacije osoba s invaliditetom.
 - b) Preveniraju smještaje osoba s invaliditetom u ustanove socijalne zaštite (prevencija institucionalizacije) i izvrše deinstitutionalizaciju osoba s invaliditetom, za koje stručni timovi JU Kantonalni centar, nadležnih općinskih službi socijalne zaštite utvrde da je to u najboljem interesu za te osobe, o čemu donose mišljenje.
 - c) JU Kantonalni centar formira Radnu grupu sastavljenu od pet (5) članova i to ispred svake sporazumne strane minimalno jedan (1), a koji po struci trebaju biti: socijalni radnik, pravnik, psiholog, psihijatar, defektolog i po potrebi drugo stručno, pomažuće i tehničko osoblje.
 - d) Zadatak Radne grupe je praćenje provođenja ovog sporazuma.
 - e) Pruže organizovanu i stručnu podršku osobama s invaliditetom sa područja Kantona Sarajevo, koje imaju potrebu za deinstitutionalizacijom ili prevencijom institucionalizacije i organizaciju smještaja u stambenim jedinicama sa najviše pet (5) osoba u svakom stanu ili osam (8) osoba maksimalno u većim kućama, a ne sa više od četiri (4) osobe po spratu, na području Kantona Sarajevo.
 - f) Zajednički rade na podizanju kapaciteta sporazumnih strana kroz edukacije, seminare, transfer znanja, studijske posjete, kampanje javnog zagovaranja i druge dostupne metode organizacionog i stručnog jačanja na polju razvoja savremenih socijalnih usluga u Kantonu Sarajevo, u skladu sa pozitivnim praksama zemalja regiona i Evropske Unije.
 - g) Za vrijeme trajanja trogodišnjeg razdoblja provedbe ovog sporazuma, Ustanova Sumero će koristiti vlastitu samoodrživu službu podrške stanovanja u lokalnoj zajednici za osobe s invaliditetom iz vlastitih resursa i sredstava donatora.
 - h) Tokom cijelog procesa Ustanova Sumero će biti, zajedno sa svojim domaćim i međunarodnim partnerima, pružalac novog modela podrške i glavni partner za provedbu planiranih aktivnosti.

¹ Bosna i Hercegovina je ratificirala Konvenciju o pravima osoba s invaliditetom i Fakultativni protokol 12.03.2010. (bez rezervacija ili izjava). Za Bosnu i Hercegovinu Konvencija je stupila na snagu 11.04.2010.

III. FINANSIJSKI ASPEKTI SPORAZUMA

U finansijskom smislu implementacija ovog sporazuma će da:

1. Racionalizira izdvajanja iz Budžeta Kantona Sarajevo preveniranjem smještaja osoba s invaliditetom u ustanove socijalne zaštite, za koje Stručni timovi JU Kantonalni centar², odnosno općinskih službi socijalne zaštite, prethodno utvrde da je to u najboljem interesu za te osobe.
2. Reducira nezaposlenost kroz otvaranje novih radnih mjesta i angažovanje stručnih kadrova kroz razvoj socijalnih usluga na području Kantona Sarajevo.

IV. PRAVA I OBAVEZE SPORAZUMNIH STRANA

1. **Kantonalno ministarstvo** je saglasno da u skladu sa svojim zakonskim ovlaštenjima i mogućnostima, pruža podršku u realizaciji ovog Sporazuma u vidu:
 - a) Praćenja efekata ovog sporazuma na finansijska izdvajanja za smještaj korisnika sa područja Kantona Sarajevu u ustanove socijalne zaštite.
 - b) Učešća u radu Radne grupe.
2. **JU Kantonalni centar** je saglasan da:
 - a) U skladu sa važećim zakonskim i podzakonskim aktima koji definišu nadležnost i djelatnost JU Kantonalni centar, prevenira smještaj osoba s invaliditetom u ustanove socijalne zaštite, te provodi postupke deinstitucionalizacije osoba s invaliditetom za koje JU Kantonalni centar odnosno nadležne službe socijalne zaštite općina odluče u zakonom provedenom postupku na osnovu mišljenja njihovih stručnih timova da je to u najboljem interesu te osobe.
 - b) Učestvuje u radu Radne grupe.
 - c) Stavi na raspolaganje Radnoj grupi bazu podataka osoba s invaliditetom smještenih u ustanove i drugu raspoloživu relevantnu dokumentaciju koja se odnosi na predmet procjene, kao i relevantne podatke za osobe koji su potencijalni korisnici smještaja u ustanovama socijalne zaštite, poštujući Zakon o zaštiti ličnih podataka BiH.
 - d) Pokrene i provede proceduru deinstitucionalizacije osoba s invaliditetom iz ustanova socijalne zaštite u lokalnu zajednicu, za koje nakon presipitivanja svih okolnosti smještaja u ustanovu socijalne zaštite i procjene altrenativnih mogućnosti brige za korisnike u lokalnoj zajednici, Stručni tim JU Kantonalni centar, nadležne službe socijalne zaštite općine da pozitivno mišljenje.

²Član 42. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH: "O smještaju u ustanove odlučuje centar za socijalni rad na čijem području lice ima prebivalište, na osnovu mišljenja stručnog tima centra, izvršne odluke suda, organa staratelja ili na osnovu nalaza i mišljenja stručne komisije o nesposobnosti za rad, odnosno nalaza i mišljenja odgovarajuće zdravstvene ustanove."

- e) Vršiti monitoring nad pružanjem usluge smještaja u lokalnoj zajednici za osobe s invaliditetom. Radi brige, zaštite, liječenja fizičkog ili mentalnog zdravlja te osobe, JU Kantonalni centar će pratiti njen tretman u Ustanovi Sumero.
3. **Ustanova Sumero** je saglasna da:
- a) Izvrši tehničku sprovedbu sporazuma.
- b) Osigura adekvatne uslove smještaja u lokalnoj zajednici u skladu sa Pravilnikom o standardima za rad i pružanje usluga u ustanovama socijalne zaštite u Federaciji Bosne i Hercegovine³.
Ustanova Sumero će osigurati finansiranje troškova opremanja i uređenja stambenih zajednica uz podršku svojih domaćih i međunarodnih donatora.
- c) Osigura finansiranje svih troškova obuke osoblja koje će biti dio servisa podrške Ustanove Sumero u lokalnim zajednicama u Kantonu Sarajevo, uz podršku svojih domaćih i međunarodnih donatora.
- d) Obezbjedi profesionalnu edukaciju i transfer znanja stručnim kadrovima Kantonalnog ministarstva, JU Kantonalni centar i drugim akterima procesa deinstitucionalizacije.
- e) Učestvuje u radu Radne grupe.
- f) Bude jedan od potpisnika svakog od pojedinačnih ugovora o smještaju šticećenika shodno Zakonu o socijalnoj zaštiti, zaštiti civilnih žrtava rata i zaštiti porodice sa djecom.
4. Potpisnici ovog sporazuma su saglasni da će u cilju izvršenja obaveza predviđenih ovim sporazumom postupati u skladu s međunarodnim dokumentima, kao i domaćim zakonskim i podzakonskim aktima.

V. OBAVIJESTI

1. Osim ukoliko je drugačije određeno u ovom sporazumu, sve obavijesti koje se dostavljaju u vezi sa ovim sporazumom moraju biti u pismenom obliku, te biti dostavljene na adrese primatelja, preporučenom poštom, navedene u ovom sporazumu ili na druge adrese koje su primatelji odredili u skladu sa odredbama ovog člana. Obavijest se može dostaviti i faksom ili e-mailom.
2. Sve obavijesti i druga komunikacija između sporazumnih strana se dostavlja na slijedeće adrese:

Kantonalno ministarstvo: Ministarstvo za rad, socijalnu politiku, raseljena lica i izbjeglice Kantona Sarajevo
Adresa: Reisa Džemaludina Čauševića br.1

³ ("Službene novine FBiH", br. 15/13 i 44/16)

Kantonalni centar: JU "Kantonalni centar za socijalni rad"
Adresa: Gatačka br. 80

Ustanova Sumero: Ustanova "Sumero centar za podršku osobama s invaliditetom u zajednici"
Adresa: Sutjeska br. 18, 71 000 Sarajevo


VI. VREMENSKI OKVIR


Sporazumne strane su se dogovorile da je vremenski okvir ovog sporazuma tri (3) godine sa mogućnošću produženja trajanja istog, što zavisi od volje sporazumnih strana.

VII. ZAVRŠNE ODREDBE

1. Izmjene i dopune ovog sporazuma donose se u pisanom obliku, a biće potpisan od predstavnika sporazumnih strana.
2. Ovaj sporazum je sačinjen u skladu sa pozitivno-pravnim propisima i međunarodnim dokumentima, koji su na snazi u Bosni i Hercegovini i Federaciji Bosne i Hercegovine.
3. Sporazumne strane su saglasne da će sve eventualne sporove proistekle iz ovog sporazuma rješavati sporazumno u duhu dobrih odnosa i u zajedničkom interesu.
4. U slučaju da bilo koja odredba Sporazuma naknadno postane nevažeća ili neprovodiva u skladu sa važećim zakonom, potpisnici ovog sporazuma će u najkraćem mogućem roku izvršiti izmjene i dopune Sporazuma.
5. Sporazum stupa na snagu danom potpisivanja od sve tri (3) sporazumne strane.
6. Ovaj sporazum potpisan je u šest (6) identičnih primjeraka, od kojih svaka sporazumna strana zadržava po dva (2) primjerka.


Ministarstvo za rad, socijalnu politiku,
raseljena lica i izbjeglice Kantona Sarajevo


Amela Dautbegović, ministrica



Broj:
13-01/01-05-23978/17
14.07.2017.g.


JU „Kantonalni centar za socijalni rad“


Mr. sci. Adnan Podžo, direktor



Broj:
35/X-11-071-1226/11
14.07.2017.g.

Ustanova „Sumero centar za podršku
osobama s invaliditetom u lokalnoj zajednici“


Haris Haverić, direktor



Broj: 251-4-17
14.07.2017.g.